

金

罍

子

金壘子上篇卷之十九

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

先生之遺蹟不同

濂溪先生之學其於聖人蓋具體而微耶以生於道
墜文喪之餘而又隱於卑官下位不盡抒其所志
時又寡及門之賢以發其蘊故人鮮克知之而先
生之學亦決非世之所能及知矣蘇黃二公天挺

人傑方卓然雄其詞章文學以撼動一世空闕千
古而獨雅知有先生豈非懿德之秉果有不可忘
者而其超然絕識亦非世之人所得而及與黃之
敘先生濂溪也不過仕宦三十年而平生之志終
在丘壑短於取名薄於徼福非於奉身陋於希世
聞先生之風猶足以律貪如此而已矣則是澹懷
當世而一丘一壑者之所有事也其近者曰胸中
洒落如光風霽月是亦謂其不窘於世故不累於
俗好逸人高士之襟韻耳况其至伯夷之所以師

百世也未足以名先生之槩也東坡追先生而哀
之詩廼曰先生本全德廉退廼一隅因拋彭澤米
偶似西山夫則侶有見於先生之時行時止本無
轍跡矣至曰先生豈我輩造物乃其徒則所以推
遜先生者惟孔子足以當之非真有見於先生詎
肯一日盡降其虛驕之氣歛其侮弄之習而爲之
屈服嗟嘆如此哉以其知有先生不宜輕程氏而
後也而異日酷排正叔至結黨以擠之且目之爲
姦。嘻其甚矣又何好德之頓謬異耶豈濂溪生乎

源洙兄弟俱有時名

其前流風餘韻僅有存者。故將以名慕周子。而本非有知德之實。伊川生乎其時。感德尊範。動足以尼其非心。故不免以名忌程子。而不覺自忘其好德之素。與抑波汪萬頃。酌者盈腹。壁立千仞。望者栗股。亦二先生之造詣。固不同也。

尹源洙兄弟俱有時名。劉渙知滄州。杖一卒不服命。斬之以聞。坐專殺降知密州。源上書論直。得復知滄州。渙卽劉渙之兄也。渙嘗訟洙。文致其罪。因築水洛城事。而源乃抹雪其兄。其不私如此。卒于

嘗作李白祠記。極詆高力士。董宋臣怒。與丁大全
共嗾御史交章劾其在太平賊杖已落兩官。猶未
已。帝疑之。密以槩問安吉守吳子明。子明奏曰。臣
嘗至子才家。四壁蕭然。人咸知其清貧。陛下毋信
讒言。帝語經筵官曰。牟子才之事。吳子明廼謂無
之何也。衆不敢對。戴慶祠曰。臣憶子才嘗繳子明
之兄子聰。蓋子聰嘗以其姑知古爲女冠得幸。子
聰因知閣門事。子才繳之也。帝曰。然。事遂解。夫子
才之清貧。能行於讐者。使爲明之。可謂信矣。而子

古上大夫以德舉相觀法勸勉

明當事之會。廼不以其私讐。掩子才之清貧。尤難能也。

司馬溫公自修起居注。召試知制誥。呂申公亦自外同召。溫公既就試。而申公力辭不至。故除天章閣待制。溫公大悔。自以爲不及。命下。凡九章辭不拜。引申公以自比云。臣與公著同被召。公著固辭得請。而臣獨就職。是公著廉退。而臣無愧耻也。朝廷察其誠。亦除天章閣待制。石林語錄張說陰答書樞密院給事中。莫濟封還錄黃。學士院周必大不

肯具章上批王驟疾速撰入濟必大與宮觀日下
出國門說露章薦濟必大於是濟除溫州必大除
建寧府濟被命卽出必大至豐城稱疾而歸濟聞
之大悔必大三請祠以此名益重宋史古之士大
夫同朝以德業相觀法相勸勉宜溫公濟之有悔
也雖然使溫公終受知制誥亦何愧於阜公之辭
哉易曰包承小人吉大人否亨夫以小人包承君
子此自小人之利而君子之否固若也故必安守
其否而後道亨然則濟之悔何及乎

王荆
公懷
於收
過而
未成
所開

金鑑卷之十九

卷之十九

讀荆公上田正言書曰。公書勸正言不矜寵利。不憚

誅責。一爲天下昌言。以悟主上。剖乎其言之也。與

孟子之於蚺鼃。韓退之之於陽城。孫可之之於李

諫議。歐陽永叔之於范司諫。同一忠告焉。顧其諫

官論。廼疑諫官以士而制命何也。然其言曰。必不

得已。若唐之太宗。庶乎其可也。唐太宗之時。所謂

諫官者。與丞弼俱進於前。故一言之繆。一事之失。

可救之於將然。不使其命已布於天下。然後從而

爭之也。是也。及旣登政府。而孫莘老李公擇兩人

者皆請如唐故事。諫官隨宰相入閣。奏即與公議。而公曰。是益兩叅政不可。又何也。大抵判公之意。主於令之必行。以尊尊貴貴爲文。欲天下之事。獨成於君宰。盡徹諫官。不使以士而與三公之事。得以制上之命。此其本心。不知國是所在。無容以士之卑職廢也。詩曰。楊園之道。倚於畎丘。惟義之昌。狂言可擇。而況士耶。國有大事。士得以言之。主聽之而改制。天下之命。錫天下之福者。常王也。士曷與焉。太宗使諫官得以隨宰相議事。事有不然者。

救之於將然固善。即使其偶失於建議之初。而旋正於既行之後。何妨。歸於其是而已矣。青苗諸法。公之所行者。一日悅就天下之公論。而宋之民之倒懸。猶可及解也。將又非公之盛德與。強狠自用。以人言不足恤。至於欲空諫官而去之。師氏保氏。固周官也。而併廢其不足信。甚矣公之恡於改過。而果於自用也。

荆公
自知
曾不
知其
在人

讀荆公知人論曰。此王荆公論知人者。公蓋有感於是也。夫然乎。以爲公之自知。迺曾不如其知人。又

何也。自爲小官。恪守恬退。方召試館閣。則辭爲部
牧判官。則辭。除館職。三司判官。則辭。命修起居注
則辭。至避勅。廁溷中。及除知制誥。廼不復辭。公之
濟貧以廉者與。衣垢不浣。面汚不洗。平生絕無聲
色之嗜。而縱其妻窮奢極侈。廼至斥逐娣姒。詆叱
官吏。公之濟淮以潔者與。初見神宗。直以漢文帝
唐太宗不足法。以諸葛亮魏元成不足與有爲。其
議論卓然。欲盡復三代之政。一時人心傾向。謂不
世出而卒。以誤國殄民。宋社幾屋。公之濟倅以直

者與。吁。公不能以此道知人。故其受呂惠卿之姦。以誤其身。而又不能以此自知。故終身倚其姦。誤天下。故曰知人者哲。自知者明。人固難知。自知豈亦易耶。然則行不足以悅衆。而怨怒實積於親貴之尤。知不足以知人。而險詖常出於交游之厚。公之所以與王禹玉者。公既以自悟其不能知人。而卒不能勉於自知。此公之所以爲公者耶。

王荆公使醫論其有感於醫國也。夫其言曰。一人疾焉。而醫者十。並使之與。曰。使其尤良者一人焉耳。

烏知其尤良而使之曰衆人之所謂尤良者而聽之以吾心其可也夫能不相逮不相爲謀又相忌也況愚知之相百者乎人之愚不能者常多而知能者常少醫者十愚不能者烏知其不九耶並使之知能者何用愚不能者何所不用一日而病且亡誰者任其咎此公蓋自署以爲醫之尤良而諷任者之未或專也故持論若此豈以司馬公二蘇九與之異意者皆愚不能相忌者耶然公之論則自不可易醫扁鵲見秦武王武王示之病扁鵲請

除左右曰君之病在耳之前目之下除之未必已也將使耳不聰目不明王以告扁鵲扁鵲怒而投其石曰君與知之者謀之而與不知者敗之使此知秦國之政也則君一舉而亡國矣夫與知者謀之而又與不知者敗之雖扁鵲且投石而不彈也而況非扁鵲之流亞者乎推此則國可知也故曰公之論自不可易也

東坡
醫論
蓋徵
刑解

東坡寶墨堂記云蜀之諺曰學書者紙費學醫者人費此言雖小可以喻大世有好功名者以其未試

名士

之學而顯出於政。其費人豈特醫之比乎。此論蓋
懲荆舒。荆公異時方論使醫以一良於九醫之中
而並使不可。彼嚶嚶然且欲顧一病以自試其醫。
豈虞以人學醫之費也。然宋至神宗。承一祖四宗。
休息安養之後。天下無事。雖少有偏弊。亦易所謂
無妄之疾。勿藥有喜者。而輕延不恒之醫。妄投未
試之術。卒以反正失宜。轉瘡爲劇。其可悲也已。

宋狄棐起家甲科。致位侍從。卓然以清節自砥厲。蓋
名士也。王荆公銘公神道。亦謂其淳厚篤實。未嘗

議可
謂切
事
情而
當於
禮

妄言笑然更稱有狄國賓者仁傑之後分仁傑告
身與葉某奏錄國賓一官自稱仁傑十四世孫葉
乃不知遺迹自身矣狄武襄起涅卒致位樞府一
時士大夫交口攻之然青能却梁公像葉不及也
元豐末哲宗卽位太皇太后攝政司馬溫公入相民
日夜引領以觀親政而進說者以爲三年無改於
父之道請稍損其重者公慨然爭之曰先帝之法
其善者雖百世不變可也若安石惠卿等所建爲
天下害非先帝本意改之當如救焚拯溺猶恐不

及況太皇太后以母改子。非子改父也。衆議乃定。
元祐未徽宗卽位。太后攝政。有旨復哲宗元祐皇
后孟氏位號。時有論其不可者。曰叔無復嫂之禮。
伊川先生亦疑之。邵伯溫曰。子甚宜其妻。父母不
悅。出子不宜其妻。父母曰。是善事我。子行夫婦之
禮焉。太后於哲廟母也。於元祐皇后姑也。母之命
姑之命。何爲不可乎。非上以叔復嫂也。先生喜曰。
子之說得之矣。方事大變。朝論大疑。人心大懼。兩
公決然一言訂訛決惑。斷而行曰。母改子。非子改

司馬公作相欲除諫官而難其人問於伊

父曰姑命婦非叔復嫂可謂切中事情而當於禮也

項既東云司馬公作相欲除諫官而難其人問於伊
川不對公曰出於子口入於光耳何害終不爲言
之此事因屬伊川故後儒莫敢議其非者予却不
敢信以爲然薦賢爲國非爲私也因問而答非攬
權也在溫公當國密問而不言然則伊川言之當
在何時豈功業必身親爲之然後爲盛耶如此則
一言可以喪邦也予謂東既此論甚正然宰相於

百官無所不當除。惟諫官爲不可。宜歸之天子。委之臺長。使自擇以爲天子耳目。不可爲宰相腹心。防阿黨也。司馬公它日除范純仁諫官。已受過於章惇矣。則公之問蓋非也。使溫公泛論人材。則伊川豈得無言。予又曾見別書。呂申公當國。凡進退人材。多與伊川商量。蘇軾遂忌之。因賺孔文仲使劾伊川。而洛蜀之黨所由起。則伊川此時蓋或有懲大賢所處。恐未可便以爲非。甌東又謂劉器之於司馬公。閑居時節。問訊不絕。及位政府。器之獨

無書。公由此薦之。器之自守之正。公取人之公。兩盡之矣。然予竊謂公或愆前政門賓之獎。借器之以諷天下焉耳。仁者與萬物爲一體。苟有裨於當路。其功業不必一一身親爲之。然後爲盛也。以器之之誠信不妄語。從公游舊矣。借使有書於政府。亦必關朝廷天下事。於公未必無少補也。而必以無書爲足重哉。以無書爲重。此非所以待器之也。則持論甚悉。使二公聞之。自當心服。

楊畏元祐初。請祠歸洛。恐得罪於司馬光。嘗曰。畏官。

夔峽雖深山羣僚聞用司馬光皆相賀其盛德如此至光卒畏復曰司馬光若知道便是皇夔稷契惟不知道故於政事未盡也史詆畏反覆余謂不然畏誠反覆人也然先後評司馬光豈妄下一語耶程子嘗曰君實之忠孝誠實亦只是天資學則全不知學謂不知學卽不知道矣或問君實晦叔於韓魏公它日大用當何如魏公曰才偏規模小雖魏公固不以政事許司馬公紹聖之紛紛亦溫公未盡政事有以啟之畏之言亦何嘗不公論耶

宋杲老禪師與張天覺論元祐人材

宋杲老禪師與張天覺論元祐人材。因問溫公如何。張曰：大賢也。杲曰：然則相公在諫臺時，何故論他。張曰：公便不會。只是後生時，死急要官做，故如此。汪彥章曾投李伯紀啟，贊美甚至。及官翰苑，草伯紀謫詞，極其醜詆。人有問彥章者，彥章曰：我前啟自直一翰林學士，而彼不我用，安得不醜詆之。張之論溫公，汪之詆伯紀，皆爲貪自己官爵，昧其本心。一至於此。自今觀之，溫公伯紀之賢，如日月未有時蝕，而張與汪區區所較計之官爵，安在。徒自

世有不求之士有非常之士

貽亡窮之羞耳。又尹穡者博學工文杜門讀書不汲汲於仕進。後以薦起。廼附麗湯思退力排張魏公以得諫議。公論始薄之。厥後貶嶺南累年蒙恩北歸。便道訪周益公。謂益公曰。某三十年閉戶讀書。養得少名望。思之不審。所得於彼者幾何。而破壞掃地。雖悔何及。悵然者久之。少稷尚猶有悔。張與汪且公對人言。無覩面目也。

蓋世有不求之士。而上人之不復求也。則求於我者。用而孤介之操遠矣。有非常之士。而以尋常格之。

則常人者進而豪傑之才阻矣。夫祝鷄而張弓。無
馴鷄也。伏馬而駕鼓。無駿馬也。善用入者。以度外
容人。而後世之無求者。重以格外拔人。而後士之
非常者奮矣。

據政府而展私門。則士之隸詬亡節者。且重趼竭蹶而集矣。固不可也。若開道學之門。設游談之肆。以收召後生。辨析名理。游揚聲名。尤未見其宜。蓋勢權所出之人。所歸蠅附。蛾集。茅靡波流。必有摳衣執經之名。幻處囊彈。缺之實者矣。昔漢孔光自爲

尚書則止不教授。陳龍自任樞機。輒謝遣門人。蓋自見此。黃瓊教授於家。徐穉從之。咨訪大義。及瓊貴。穉絕不復交。劉安世於司馬溫公。義訂師生。恩侂父子。然平居時節。問訊往來不絕。及公登政府。則未嘗有書。蓋造經席。則師於諸弟。候政府。則相於庶寮。固自不同。愚願今之先達。寧爲孔光陳龍後進之士。當爲徐穉子劉元城也。

元城劉氏師事溫公。服膺終身。可謂篤信。至意見同異。則亦有畢不相入者。溫公深排佛。而元城愛看。

佛書溫公頗非孟而元城喜讀孟子也

溫公不信於弟與子

其言之不詳道不載焉雖師有不能必行之高弟父有不能必行之愛子者溫公之疑孟子溫公之過也劉器之平生篤信溫公而獨喜讀孟子是不能信溫公也溫公之子康篤孝也抑謂孟子書取醇正是亦未敢以公爲信信道也何師弟父子之相爲乎

公之言行錄

傳公堯俞除御史中丞上疏言陛下使臣拾遺補闕以輔盛德明善正失以平庶政舉直措枉以正大

臣臣請極其力以死繼之。若窺人之私。摘其細故。非臣之志也。范蜀公鎮知諫院。溫公遺書道以責之。可懼。公復書曰。必欲伺大臣之細故。發其隱微。以布已直。實不能也。溫公曰。此則不惟景仁耻之。光亦耻之。不願景仁爲也。明道先生被薦爲御史。神宗召對。問所以爲御史者。對曰。使臣拾遺補闕。裨贊朝廷則可。使臣掇拾臣下短長。以沽直名。則有所不能。神宗嘆賞。以爲得御史體。陳公瓘遷左司諫。議論持平。務存大體。不以細故藉口。未嘗及

人曖昧之過。嘗云人主托言者以耳目。誠不當以
淺近見聞。惑其聰明。況以訐爲忠。無補於時。反傷
治體乎。廖剛拜御史中丞。奏言臣職在搏擊奸邪。
當思大體。若乃收拾細故。矜一得於狐兔之微。則
非臣之本心。予謂此六公之言。識體要矣。當拈出
以備風憲忠告。

蕭杲卿初授御史。虞丞相允文意也。或賀之。蕭曰。彼
見我憤憤。謂我不能言。而以是處我也。其輕我甚
矣。不數日。首論其黨。遂并攻之。論者服其勇。見宋

文公與張元善書。以御史處我。猶以爲輕我。古人
重知我。不以富貴我爲感也。然自宰相不以能言
倚臺諫。臺諫之地。率求溫潤美秀。沈默弘寬者爲
之。在唐時。陸長源已有斯嘆。唐是擢者。以爲右職。
苟非呈身於前。以預營必得。則且請碎首於後。以
務求恩私。若蕭之識。加於人幾等矣。蕭之攻虞本
以允文之輕已。然韓厥。僂宣子之僕。張陵奪梁冀
之劍。周舉之劾左雄。郤詵之糾崔洪。所以報知己
者。其道顧豈出此。

心相
誠敬
之言
不可
易

金剛經卷之十九

十五

伊川先生嘗渡涪中流遇風舟人皆懼惟先生儼然
抵岸或問先生何以不動心也先生曰存心誠敬
耳岸上一人忽曰心存誠敬曷若無心伊川欲與
之語其人遂去其人亦接輿沮溺之流與然無心
之言高矣伊川欲與之何言也嘗有人問伊川說
無心者伊川曰無心便不是當云無私心伊川之
言當及此然伊川易傳又曰雖無邪心苟不合正
理乃妄也乃邪心也由此觀之必無私心而合正
理然後亡敬此心存誠敬之言所以不可易也

全書載伊川在經筵聞上在宮中起行漱水必避螻
蟻他日因請之曰有是乎上曰然誠恐傷之先生
曰願陛下推此心以及四海則天下幸甚東坡集
韓維進讀三朝寶訓因奏言皇帝陛下仁孝發於
天性每行見昆蟲螻蟻遠而過之且勅左右勿踐
履此亦仁術也願陛下推此心以及百姓則天下
幸甚避螻小行也曲愛也而二臣淳淳獎道其君
一則曰推此心以及四海一則曰推此心以及百
姓皆愿愿孟氏之家法焉

人殺
其子
其復
有人
理

金鑑子
卷之十九

二程全書云人有疑祖殺其父則告之其罪如何律
孫告祖當死此不可告明矣然則父殺子其罪如
何律徒一年以理攻之當徒二年雖是子亦天子
之民也不當殺而專殺之是違制也違制徒二年
愚按今大明律子孫違犯教令而祖父母父母非
理毆殺者杖一百故殺者杖六十徒一年與宋律
同惟孫告祖今大明律子名犯義條云凡子孫告
祖父母父母杖一百徒三年但誣告者絞是告實
者不得至死也亦豈有創於竇瑗之議若謀反大

廸者。故將寬子孫首告之路。非謀反大廸其不
可告決矣。今律凡奉制書而有所違者杖一百。亦
無徒二年。程子謂父殺其子。雖是子亦天子之民
也。不當殺而殺之。是違制也。違制徒二年。班固曰。
虎通則曰。父然其子當誅。何以爲。天地之性人爲
貴。人皆天所生也。託父母氣而生耳。王者以養長
而教之。故父不得專也。本因爲父然子。父至尊。故
一以其子爲天子之民。一以爲其子爲天之所生。
父不得有以厭其父而正其罪。然亦迂矣。人至性

如父子。狼虎猶仁於父子。而人乃殺其子。豈復有人理耶。義不容因子而殺父。苟爲人父而忍以非道橫殺其子。竊以爲自殺以降。或徒或流。王者之法。皆可加之。

自効
乃所
以自
効

陳希亮移知鳳翔。初州郡以官酒相餉。例皆私有之。而公不可以遺游士之貧者。旣而曰。此亦私也。以家財償之。上書自効。求去不已。見蘇文忠公集。余謂處天下事。不可大段有意。若有意爲之。雖公亦私也。以官酒相餉。而實私有之。私也。不以自私而

胡穎
不
得
伸
與

予游士之貧者可也。雖私固公也。償之以家財。亦
有意矣。此復何罪。而且上書自効。求退不已。其自
効也。乃所以自鬻也。其求退不已也。乃所以求進
也。

胡穎提點湖南刑獄。卽家置司。性不喜邪佞。尤惡言
神異。所至毀淫祠數千區。以正風俗。衡州有靈祠。
吏民夙所畏事。穎徹之作。來訟堂。奉母居之。嘗語
道州教授楊允恭曰。吾夜必瞑坐。此室察影響咸
無有。允恭對曰。以爲無則無矣。從而察之。則是又

疑其有也。穎甚善其言。以樞密都承旨爲廣東經略安撫使。潮州僧寺有大蛇。能驚動人。前後仕於潮者。皆信奉之。前守去州。人咸心疑焉。以爲未嘗詣也。已而旱。咸咎守不敬蛇神。故致此。後守不得已詣焉。已而蛇蜿蜒而出。守大驚。得疾旋卒。穎至廣州。聞其事。檄潮州令僧昇蛇至。至則大如柱。而黑色。載以闌檻。穎令之曰。爾有神靈。當三日見變。怪過三日。則汝不神矣。旣及期。蠢然猶衆蛇耳。遂殺之。毀其寺。并罪僧。叔獻之不信神異。其見超矣。

何許大事而可以含卒誣人

而楊教授尤至論也。蓋義理無窮如此。且檻蛇三日之約。使期而見。變怪當何如。無亦所謂疑其有而察之與。雖然。其辨惑祛邪。固與孔道輔之擊蛇。陳文惠之修經。同功矣。

朝野遺記。謂方汪黃養安之際。外傳北風極勁。而二人傲然。謂無事故。上亦不甚虞。比江都宮中。方有所御幸。而張浚告變者。遽至。矍然驚惕。遂病薰腐。故自明受殂。後宮皆絕孕。高廟中年不樂。張忠獻者。非特以和戰異議。亦貽歸來望思之怒耳。苗劉

之變植虛器於前星。蓋二凶狂妄耳。春宮未辨方
甲。而魏公在建業。乃責而殞之。過矣。睿宗嘗帝數
年。入爲皇嗣者六十餘載。中宗復位。以親王就列。
德王裕爲劉季明等迫立。昭宗返正。復歸東宮。皆
量其非出於已也。今明受之殤。在鐵塔下。父老尚
能言之。蓋當時并乳嫗皆掩之云。按此記殊驚人。
謂帝病無子。若魏公致之然者。方敵騎南侵。國之
存亡在乎呼吸。帝宮中御幸浚千里外。能逆知之。
匿警報不聞耶。苗劉之變。委裘於明。受兇豎之狂。

謀耳。父子之間。人所難言也。戾太子親弄斧。犯關及武帝追思太子。卒盡族。致太子死者。況明受之立。三歲。法有三赦。一曰幼弱。謂其不識。獨不能推此誼。以相全佑。雖其魏公之橫。不至此。朝野雜記亦宋人所編。謂元懿太子專。高宗後宮潘賢妃出。建炎元年六月。生於南都。九月。拜集慶節度使。封魏國公。三年春。苗劉爲逆。立爲皇帝。改元明受。是歲上復辟。立爲皇太子。其秋薨於建康。初。太子得疾未瘳。有金香鼎。置於地。宮人誤觸之。仆地有

聲太子應時驚搖不止上命斬宮人於廡下少頃
太子薨年三歲此紀始末極詳悉元懿之薨蓋距
魏公靖難之師踰一時矣當是時高宗已復辟元
懿卽立爲皇太子浚安得復追責而殞之世人不
樂魏公者多妄撰邪說以謗公不知是何許大事
而可以倉卒誣人也

曲端
王庶
之不

曲端王庶之不相能亦楊儀魏延近耶孔明能用儀
延於交關紛爭之中使少殺其氣而並盡其能以
當其任而魏公畢以庶言殺端非庶之罪也此爲

魏公之不逮孔明懸矣。或曰端之驍勇不謝於延而延之橫恣未及於端。故亮得以全延。浚不得以用端。不知延之暴當孔明而戢端之勇遘魏公而橫。且儀不得用間以傾延而庶乃得鼓譟以殺端。故曰魏公之不逮孔明也。曲端之死。齊東塾語深冤之。以予觀之。端未易馭也。其心術良不可測。容齋五筆。李彥仙之守陝州也。金婁室引衆十萬。復圍陝州。踰月復益兵。傳壘晝夜進攻。而彥仙隨機拒敵。圍復不解。日憑堞須外援。張浚爲遣軍。虜先

馬伸
之忠
續白
則檜
之奸
狀益
著

沮擁不得進。則令涇原曲端出郿坊。繞虜後。端素嫉仙。聲績逾已。幸其敗。詭託不行。丁巳城陷。仙挾親軍巷戰。矢集如蝟。左臂中。亦不殊。戰逾力。遂死之。并其家遇害。仙之抗節矢忠。無愧爲巡遠。端非賀蘭進明乎。殺仙者端也。使魏公軍令行。端可獨生乎。

宋史姦臣傳載秦檜爲中丞。靖康三年二月。留守王時雍等召百官軍民共議立張邦昌。皆失色不敢答。監察御史馬伸言於衆曰。吾曹職爲爭臣。豈容

坐視當共入議狀乞存趙氏時檜爲臺長聞伸言

以爲然卽進狀曰檜荷國厚恩云金人尋取檜

詣軍前因挾以北去云未嘗云狀本會同臺出

於連名屬藁馬氏也其書亦但云檜上未嘗曰檜

等又載何允訟其師馬伸發端上金人書乞存趙

氏爲分檜功允編管英州未嘗及伸愆愆秦氏本

末若檜自激發大誼迅奮孤忠方敵威虢闕國祚

垂絕之際而能萬死一生爲趙氏出力雖發端有

在成功未究其誼槩廩然固已動於華夷矣審然

則檜一忠臣也。今按宋名臣言行外錄備在虜議立張邦昌。馬伸爲御史抗言於稠人曰。吾曹職爲爭臣。豈可緘默坐視。當共入議狀。乞存趙氏。秦檜不答。少焉屬藁就呼堂吏連名書之。檜旣爲臺長。則當列於首以呈檜。檜猶豫伸率同僚合辭力請。檜不得已始肯書名。伸遣人疾馳以達苜虜。故秦氏所藏猶云檜等也。檜還自虜揚言已功。以取富貴。伸之子孫漂泊關中有甥何玠得其元稿。累欲上之。爲其子力止。紹興乙亥春玠忽夢伸衣冠如

平生云秦氏將敗。趣往陳之。玠卽持其稿以叫閭。檜大怒。誣以他罪。下玠大理。鼠領外。未幾檜果死。其家訟冤。詔復玠官。伸之忠績始白。事始末如此。伸之忠績白。則檜之奸狀益著矣。史傳益出秦氏之筆。非信史也。

薛弼自徽猷閣爲岳飛軍中參謀。參謀主帥腹心之司。而以弼爲之。此秦檜意也。檜初僑溫州。以永嘉爲寓里。弼里中生政和進士。出入門下最熟。檜寵用之。至是檜權勢益張。雄猜日甚。顧所忌惟飛。廼

密謀置弼飛軍中。使偵飛。自是飛語默動靜。纖微皆知。腹心肝膽。盡在檜耳目矣。及飛死。叅軍朱芾。李若虛俱被黜。而弼無恙。自是遂大用。新編謂弼於主帥之冤。曾不動念。爲愧於胡閔休。不知主帥之冤。弼實成之。葉水心怪弼本岳飛叅謀。而爲秦檜用。不知弼本秦檜門客。而爲岳飛叅謀。此其鬼怪神姦。豈人能測識也。檜以身爲金人間諜。據宋腹心以偵飛。宋事所寄在飛。又以弼爲之間。據飛腹心以偵飛。兩間合而宋事日去。不可復爲矣。先

是彌知虔州言州民朽柱中有文曰天下太平年
秦檜大喜。乞詔付史館。於是修彌文以飾治。鄉飲
耕藉之類。節節備舉。爲苟安餘杭之計。自此不復
巡幸江上。而祥瑞之詔日聞於四方。彌所以逢迎
檜。非一日也。羅大倫曰。洪忠宣自虜回。戲謂檜曰。
撻辣即君致意。檜大恨之。厥後金人徙汴。其臣張
師顏者作南遷錄。載孫大鼎疏。備言遣檜間我事。
且邀中國曰。毋易首相。以輔和好。於是檜之奸賊
不臣。其跡始彰。然則檜爲宋相。爲金人間。宋人皆

知之惟高宗不知耳

胡忠簡

公論王倫秦檜劄子並出范公璿筆而忠簡

王倫

以為公親老上疏必有危禍取而自上之遂南遷

劄子

也虞學士松谿集序云夫食人之祿則不敢內顧

范公

其私此公所以奮筆而不辭知其必墮危禍而不忍及

其親

朋友之厚德又公所以寧歿世而弗敢忘也

王公

曰為相薛奎為江淮轉運往見公無它語但云

東南

民力竭矣奎退而嘆以為此真宰相之言也

岳武穆用兵每調軍食必蹙額曰東南民力竭矣

時止為

臣言之事敢

等將亦憂民乎。此其材豈止將也。

生事以要功。然而戒之可也。以爲生事而罪之。則當事之臣沮矣。妄言以沽名。然而容之可也。以爲妄言而罪之。則敢言之士詘矣。夫勿罪生事者。所以縱天下之當事也。而況當事者乎。勿罪妄言者。所以作天下之敢言也。而況敢言者乎。至於沮當事之臣。則國有大事而莫敢言之。士則國有隱憂而不聞矣。嗚呼。子思子曰。宋高宗。楚岳飛。於獄棄陳東於市。於是乎觀輿而北。舟駕而南。謂之

善惡之報不於其身而於其子孫

天運也可乎

知鄂州羅願以父汝揖爲御史時嘗附秦檜論飛不敢入飛廟一日自念吾政善姑往祠之再拜遽卒於像前人疑飛之憾不釋云見岳集出鄂州志死生命也卒於像前亦數與事會耶不然以侯之忠而死固順而安之脚恨於黨惡之臣而甘心其幹蠱之子恐亦未定然也汝鄂州小集載其本傳乃曹弘齋撰不著鄂州所以卒但引新安續志謂值旱立日中精禱致疾而又云志公之猶子任臣教

臣所共訂也。蓋曹亦致疑於是。故託之續志。而又著志之所自出。以爲作者。或有諱。而然則羅之所。以卒。果可疑矣。鄂州廩廩。爲宋乾道淳熙間名臣。其卒也。而朱子尤痛惜之。恨未見其止。鄂之人感其德政。又爲之圖像以祠。其素行無愧於侯。而祇以父故。抱終身莫追之恨。蒙千古不雪之耻。其卒也。未必出於侯之所爲。而意者善惡之報。不於其身。而於其子孫。樂盈非爲汰。而受樂厲之惡。以殺其身。亦神理之或然者。世之君子。盍亦強於自立。

論亦
自以
妬婦
珍絕
其家

庶幾貽子孫以積善之慶。而黨惡害正。若汝楫者。既身載惡名。而復貽子孫以不可活之禍。亦可怵矣。

元星吉。河西人。任江西行臺御史。秦檜裔孫奪民田。羣訟不決。公問秦檜何人寮屬。以奸臣對。公閱檜傳。大署其狀曰。檜之誤國。千載有餘僇。矧茲遺胤。敢爲民害。盡斷其田於民。星吉。胡人也。秉正嫉惡。且及其世。可謂義形於內矣。宋史檜曾孫鉅通判蘄州。金人犯境。與郡守李誠之竭力捍禦。城破。鉅

三

與誠之各率兵巷戰死。亡略盡鉅歸者疾呼吏人
劉廸令火諸倉庫。乃趣一室以自焚。有老卒見烟
焰中。着曰戰袍者。識其鉅也。冒火挽出之。鉅叱曰
我爲國死。汝輩可自求生。掣衣就焚而死。次子浚
先往四祖山。兵至亟還。與弟渾從父皆死。此亦奸
臣之後。廸一門死忠死孝。豈復繫其世類乎。攷史
檜無子。立妻兄王暉。孽子爲後。曰燾。其孫曰墳。皆
王之自出。則秦氏世絕於檜久矣。或曰檜妻王妬
悍。檜嘗鑒一妾有娠。遂出諸蒲林氏。及長曰林一

飛齊東塾語志之。朱子亦謂興化一傳聞云林一
飛乃秦作教官時婢所生。夫人不容。與同官林家
人養之。秦後欲取歸。未遂而死。其黨又欲爲料理
其夫人。自陳云。妾有幾子。林非是。林遂貶某地。林
死有子。今無祿。乃檜親孫也。而史亦載林一飛於
檜死爲檜子。燬偕其黨經營襲相位甚力。陸務觀
老學庵筆記亦謂客曹泳嘗獻計於檜。欲一飛還
作子。則事之始末頗亦着悉。秦之子孫實爲蕭林
氏。其易羸者。寔皆王氏也。檜以奸臣亂人之國也。

亦自以妬婦殄絕其家天道乎

金瓶梅上篇卷之十九

金豐子上海卷之二十

明上虞陳絳用楊甫著

會稽陶望齡周望甫間

同邑車任遠遠之甫校

男陳昱輯

當時已有
公論

朱文公極貶蘇氏以爲未敗露之王安石今議者多
過之比見孫升在元祐初嘗言王安石擅名世之
學爲一代文宗及晉居大位出其私知以蓋天下
之聰明遂爲大害今蘇軾文章學問中外所服然

德業器識有所不足。爲翰林學士。已極其任矣。若使輔佐經綸。願以安石爲戒。及弟蘇轍爲尚書右丞。除命始下。右司諫王康國奏曰。轍之兄弟。謂其無文學。則非也。蹈道則未也。其學乃學爲儀秦也。其文率務馳騁。好作爲縱橫押闔。無安靜理陛下。若悅蘇轍文學。而用之不疑。是又用一安石也。轍以文學自負。而剛狠好勝。則與安石無異。則當時已有公論。非文公一人之言也。

朱子按唐仲友事。齊東野語云。唐平時恃才輕晦菴。

而陳同父頗爲朱所進。與唐每不相下同。父游台。嘗狎籍妓。囑唐爲脫籍。許之。偶群集。唐語妓云。汝果欲從陳官人耶。妓謝。唐云。汝須能忍饑受凍。乃可。妓聞大恚。自是陳至妓家。無復前之奉承矣。陳知爲唐所賣。亟往見朱。朱問近日小唐云何。荅曰。唐謂公尚不識字。如何作監司。朱啣之。遂以部內有寬獄。乞再巡按。旣至台。適唐出迎。少稽。朱益以陳言爲信。立索郡印。付以次官。乃撫唐罪具奏。而唐亦作奏馳上。時唐鄉相王淮當軸。上問王。王曰。

此秀才爭閒氣耳。遂兩平其事。詳見周平園王季海日記。而朱門諸賢所著年譜道統錄。廼以季海右唐而并斥之。非公論也。其說聞之陳伯玉式卿。蓋親得之婺之諸呂云。按密此論著。爲仲友辨雪無辜。其說行。則陳爲游俠無籍之徒。而朱尤爲恣睢敢爲浮薄而輕信。此市井小兒綠戲作鬧。而尚得爲秀才閒氣乎。及宋學士濂脩宋史。爲唐仲友補傳。朱右題曰。世固有証人以理之。所有君子或昧焉。語曰。君子不逆詐。不億不信。予讀唐仲友補

傳而竊有感焉。初仲友以乾道七年守台。時朱熹
提舉常平。仲友發粟賑饑。抑姦拊弱。剗中津浮梁。
以濟艱涉。民至今賴之。永康陳亮以縱橫之術。與
仲友不相能。然亦未嘗信程朱氏學也。亮揆無以
抑仲友。廼設詭計。若爲歆艷性學者。朱子遂信之。
行部過其家。乘間爲飛言中仲友。高文虎爲通判。
復以舊怨傾之。嫉惡之心。君子爲多。於是朱子力
擯劾仲友。至六上章。廷議終不決其說。蓋亦祖堊
語所記。而詞稍回互矣。然余觀龍川之學。事功之

學也。其平時跌宕簸弄。玩侮一世。雖朱子嘗戒其
自處於法度之外。而不樂聞儒生禮法之論。是其
所以罹此謗者。固或有以致之。未爲無兄盜嫂。取
孤女而擗婦翁也。然亦何若人言之甚乎。至於朱
子之明白正大。夫豈容易受人之譖者。以常情觀
之。唐旣夙有浮名於時。而鄉親宰相。又爲之奧主。
其勢固未易輕動。使非大姦巨慝。灼於耳目。雖朱
子且無以自信於心。而徒以浮詞憶語。角以取勝。
至於六上章而不悔。亦豈知者之所爲乎。其必不

然矣。母乃仲友之黨。主於伸雪已寃而爲此流言。不根以相報耳。近時吳興陳霆兩山墨談謂陳同甫與朱晦菴書曰。亮平生不曾謂說人是非。唐與正乃見疑相譖。是真足當田光之死矣。然困窮之中。又自惜此潑命一笑。初晦翁劾台守唐與正之罪。相傳謂其納陳同甫之譖。以是成怨。周公謹叙其故於塾語中。今以同甫之書觀之。使同甫誠譖唐於晦菴。豈後交訟是非終竟。則晦菴之受錯。同甫實爲之。同甫當自引咎歸罪。乃不出此顧復飾。

詞以自掩於事主之前。使其誠病風而且愚。將不羞夫晦菴之鄙其爲反復人耶。此說明允可據。而陸象山集有與陳倅書。亦曰朱元晦在浙東大節殊偉。効唐與正一事。尤快台人之心。百姓甚惜其去。雖士大夫議論中間不免紛紜。今其是非已漸明白。江東之命出於九重特達於群疑之中。聖鑒昭然。此尤可喜。元晦雖有毀車殺馬之說。然勢恐不容不一出也。又與勾熙載書曰。初聞臺評相及。固已恠駭。亟欲一見全文。以覈厥旨。及得而觀之。

亦良可笑。如論吳洪章中。乃爲唐仲友雪屈。波及
朱元晦。謂以洪醞釀。竟成大獄。致仲友以曖昧去。
議者寬之。此尤可笑。吾人所安者義理。義理所在。
雖刀鋸鼎鑊。有所不避。豈與患得患失之人。同其
忻戚於陞黜之間哉。顧所深念者。道之消長。治亂
攸分。群從比周。至理鬱塞。遏絕齊語。楚咻盈庭。聚
蚊成雷。明主孤矣。云云象山非苟同晦菴者。而兩
書言劾唐仲友一事。乃稱服嘆美之如是。旣以爲
快台人之心。則六章內所言唐之立威收貨。娛悅

婦人燕會夜深因與踰牆欲行落籍。遣歸本州。皆台人狀中語。證實可知。而又曰百姓甚惜其去。蓋是時朱子劾唐。唐適遷江西提刑。未行而朱奏上仲友亦隨自辨。事下紹興府鞠之。獄具情得。遂奪唐新命授熹。而熹以爲蹊田奪牛。力辭不受。且知時相意徑歸。故台人惜之。史言獄上久旱而雨。固或天道之適然。而人情如此。且出於象山之筆。世猶猜同甫。併不信晦翁。象山徒爲唐仲友雪冤。爲王淮殖黨。是誠可惜也。

先生
之文
宜無
以更
此

朱文公爲浙東倉。民有繼母按脚夫破蕩其家業者。其子來訴情甚切。文公遂委楊敬仲。敬仲深以子告母爲疑。文公語之曰。父死妻輒棄背。與人私通而敗其家。不與根治。其父得不啣冤乎。按繼母如母。明非其母。以義母之而已。蓋爲父也。妻則自爲子也。母若父不得妻子。安得母。繼母已更嫁而猶曰子母者。敬仲之過也。

晦菴先生。旣啓手足之四年。韓侂冑誅朝廷下有司。議所以易名者。太常狀先生之行。請謚文忠。而考

功郎官劉彌正謂復謚非古。且言先生晚爲韓子
考異一書。其心有合乎韓子。請以其謚謚。遂謚曰
文。去忠著文。所謂一字非貶與。予謂節惠以行不
以言。以言則五經四書之發明燦矣。考異一書。先
生涉而爲也。非先生之與存也。劉也。舍其大而錄
其細。奚居。夫文之爲謚。義有更端。節以其一。皆曰
文焉。韓子是已。昔周公歿。謚曰文。孔子亦曰。文王
旣歿。文不在茲乎。是則文王周公孔子之文。乃天
地之文。而道之極也。先王之文。宜無以更此。廼舍

曰而擬韓子。以韓子之謚謚淺乎。見先生於庸末而末測其衷矣。胡澹菴嘗薦先生於朝。類與陸放翁等同以詩人見列。故先生深耻之。不意先生歿而所以尊先生者。乃僅同之韓退之。吾固疑先生之靈。猶有不甚安於此也。

宋趙彥遠丞相趙汝愚父也。生朝必哭於廟。有欲爲禮者。號泣而向之。元北麓處士崇仁李自華。常以不及終養二親。遇初度之日。號慟抵暮。家人不忍見。因諱言之。王義士天爵夏縣人。每生身之辰。寢

苦一月。懿哉。惇孝乎。程子嘗言人無父母生日當倍哀痛。更安忍置酒作樂以爲樂。若具慶者可矣。朱子亦謂須以忌日之禮處之。昔唐太宗萬乘之主也。歔歔却賀。哀感旁侍。率禮而不愆。如此。况儒生學士耶。問曰。具慶而可也。張樂置酒。軒車臨於閭里。母已侈與。曰。飲食必祝。慕夫始之也。身有自始。庸而忘之。夫劬勞之日。而起敬起孝焉。庖其豆臠以壽其親。何有不可乎。夫父母在。恒言不稱老。而憫然自都其齒髮。以召其里之人而可乎。問曰。

天下可幾太平

父母歿。却賀禮也。將人情之不可以禮說。則知之何。曰如三君焉。號泣而對之。使家人見之而不忍言。彼誰非人之子乎。

金宣宗嘗諭宰臣曰。向有人言便宜事。卿等屢奏乞作中旨行之。帝王從諫足矣。豈可掠人之美以爲己出哉。大哉王言。與尔有嘉謀嘉猷。則入告尔后於內。尔乃順之於外。曰斯謀斯猷。惟我后之德者異矣。予謂人主如金宣宗。不作中旨。人臣如宋李文靖。不進密疏。然後朝廷清明。天下可幾太平。

此兩節最足以惇彝
正風俗

金章宗朝嘗定祖父母喪婚娶聽離異又定妻亡服
內婚娶聽離法按此兩節最足以惇彝倫正風俗
未可謂餘分偏閏之制格之也然妻亡更娶又須
訖其子服不當止以夫服論故儀禮喪服傳曰父
必三年然後娶達子之志也是也春秋傳周景王
穆后喪太子壽卒叔向曰王一歲而有三年之喪
二焉於是乎以喪賓燕又求葵器樂憂甚矣非禮
也妻之喪子未除不可以再娶故亦曰三年之喪
演繁露謂賈似道當國浙漕朱浚深源每有劄子稟

勿終文丞相丞相可以無死

事必稱某萬拜覆時人謂之朱萬拜浚晦翁曾孫
頃見昭忠逸詠載浚爲兩浙轉運兼侍郎元兵下
江南遣八使入閩說降兵至福安王剛中以城降
浚家欲降之浚叱曰豈有朱晦翁孫失節者遂仰
藥死以朱晦翁孫不恤一死徇節豈區區爲富貴
諂佞權勢之門乎

文文山之亡也元翰林學士徐景隆感卿以詩吊之
曰大元不殺文丞相君義臣忠兩得之義似漢王
封齒日忠如蜀將斬顏時乾坤日月華夷見嶺海

風霜草木知。只恐史書編不盡。老夫和淚寫新詩。
蜀將斬顏用。關羽報効曹操事。輟耕錄作蜀將斫
頭。却用嚴顏事。殊戾譌也。元勿殺丞相。丞相自可
以毋死。乃亦將如關雲長周旋曹氏耶。元於丞相
亦可謂有禮矣。公誠義不屈。使終能待以不死。則
公固嘗曰。異日得以黃冠備顧問。則雲長之事。意
者公優爲之。雖或一時之權詞。然箕子亦授洪範
於武王矣。

許文正公新鄭人以金太和九年生。公固非宋人也。

評文
蓋
有江
漢之
思

哉。逮顯於元。伐宋之舉。一時名公卿人受攻取之
畧。而公獨言。惟當脩德。以致賓服。若以力取。必戕
兩國之生靈。以決萬一之勝負。蓋公有江漢之思。
與丘文莊公著論。謂公不常仕元。雖公之卒。且囑
其子曰。吾平生虛名所累。竟不能辭官。我死。爾慎
勿請謚。勿立碑。但書許某之墓四字。使子孫識其
處足矣。則公固已自恨其所遇之不幸。以是論公。
公復何詞。但復謂許子。倘以生民爲念。盍勸世祖
以通和睦隣。息肩南北之民。雖宋人拘留使臣。尚

許衡
慨然
以道
為己
任

當為之反覆開諭。明其為權臣之罪。勸之以成湯待葛之道。庶幾其有及人之功。得以少掩其輔夷之罪。而許子乃不及此。則少冤矣。豈亦未見圭齋集所著公神道碑耶。

許衡居蘇門。慨然以道為己任。嘗語人曰。綱常不可一日而亡於天下。苟在上者無以任之。則在下之任也。凡祭喪嫁娶。必徵於禮。以倡其鄉人。予謂衡當時不能不仕元。亦正以綱常不可一日亡於天下也。

董文用拜禮部尚書。時中書右丞盧世榮以貨利得
幸。乃建議曰。我立法治財。視常歲當倍增。而民不
擾。詔下。會議人無敢言者。文用陽問曰。此錢取於
右丞之家耶。將取之民耶。取於右丞之家。則吾不
敢知。若取諸民。則有說矣。牧羊者。嘗歲兩剪其毛。
今牧人日剪其毛而獻之。則王者固悅其得毛之
多矣。然而羊無以避寒熱。卽死且盡。毛又可得哉。
民財亦有限。取之以時。猶懼其傷殘也。今盡刻削
無遺。猶有百姓乎。世榮不能對。丞相安童謂坐中

曰董尚書真不虛食俸祿者。按盧世榮之議卽呂
惠卿之所謂不加賦而國用足。文用之對不愧司
馬文正矣。

彼同僚言
不類

吳草廬著元中子碑。元中子姓黎名立武嘗佐洪府。
歲饑有同僚言殺一牛活萬蟻欲籍富戶賑貧民。
黎駁之曰萬蟻固可憐。一牛何罪死衆稱善。噫有
德之言哉。余謂此非有德之言也。彼同僚言譬自
不類萬蟻。天壤間贅生雖微一牛不死死死亦何足
惜。牛無罪有功殺一牛餉萬蟻何爲。若凶年饑歲

有不法使
盡之
法母
使
不
盡之
情

貧民無糠粃而富戶之粒米狼戾且以飽黠鼠肥
畜犬藉富戶賑貧民拔九牛之一毛以活萬姓何
不可之有

江南守令聽訟遇民有犯情重而法輕者既以其辜
附律又罰穀或至千石以上入倉或罰金使脩理
廨舍往往不訾予嘗聞之亦問一同年荅曰有之
夫科有罪之富人以賑無告之貧民哀私家之羸
佐公庭之急曷有不可乎予謂此意甚美然萬一
犯者或舉訾不足以抵罰至於以瘦死或遂傾其

家或鬻其妻女。則反爲情輕而法重矣。如何。呂刑
罰懲非死。人極於病。夫以五刑之疑赦而爲罰。猶
足爲病。况刑與罰兼加之乎。大抵律設大法。準事
而施其劑。量輕重。至於無可增減。哀矜折獄者。常
使欽恤之意行乎法之中。豈忍有加於法之外哉。
西漢郅都趙禹。一爲人公廉。問遺無所受。請寄無
所聽。一爲人廉倨。舍無食客。門無造賓。惟奉職死
節。孤立行意。以伸法守。而世謂之酷吏。蓋守法已
難於刻。况又溢於法之所不及也。臯陶曰。罪疑惟

元人
楊奐
作鄆
國夫人
人毀
紀元

輕與其殺不辜。寧失不經。故寧使有不盡之法。毋寧使無不盡之情。

元人楊奐作鄆國夫人殿記。其曰。祀天而不祀地。祭日而不祭月。非禮也。又曰。夫人姓开。官氏宋女也。泗水侯鯉息也。沂水侯伋息之子也。先聖之爲中都宰。爲大司寇。攝行相事。夫人不以爲泰。畏於匡。拔樹於宋。削跡於衛。絕糧於陳。蔡夫人不以爲否。窮通出處無一而不預。所以血食者。其在斯乎。按夫婦之道。榮耻共之。不以爲泰否。常事也。然尚不

同

能知夫人之與孔氏訣在夫子紀年之何歲亦安
能知其窮通出處無一不預乎嫁與出一也昔子
思之母嫁而死於衛赴於子思子思哭於廟門人
至曰庶氏之母死何爲哭於孔氏之廟子思曰吾
過矣吾過矣遂哭於他室夫庶之母不哭於孔氏
之廟而開官氏之女乃得廟於孔氏且夫人之而
毀焉以強合於夫子其非禮如是而勿知乃抗顏
爲人執筆可乎

裕宗封燕王巡撫稱海至冬還京間謂諸王札刺忽

言所慎
言所
言所
言所
言所

及從官伯顏等曰。吾屬適有茲暇。宜各悉乃心。慎言所守。俾吾聞之。於是衆黑髮曰。太祖有訓。欲治身。先治心。欲責人。先責己。曰。聖上有訓。欺罔盜竊人之至惡。一爲欺罔。則後世出善言人終弗信。一爲竊盜。則事雖未覺。心嘗惴惴。若竊者將至。札刺忽曰。我祖有訓。長者稍深者底。蓋言貴有始終。長必極其秋。深必究其底。不中輟也。王曰。皇上有訓。毋持大心。大心一持。事卽隳敗。此一時倉卒。賓從會集。各言所守。而深切道理。斐然成章。又

諱可
原盜
不可
原

皆歸本之君父。蓋斷斷洙泗之風焉。

謝讓初爲吏。歷刑部尚書。刑部有案讓未署字而誤用印。吏懼遂私効讓署。事覺。度無損於事。且憐吏以罪廢。遂視之曰。吾署也。其寬厚多類此。予謂吏以罪廢而憐之。則吏之犯罪者。滋應衆矣。此吏誤用印而盜署字。誤可原也。盜不可原也。

林諫
偕子
隨元
北去

元末。兵部侍郎青田林公諫見天運已去。作詩送其姪俾南歸。以子自隨。及天兵至通州。遂偕其子隨元主北去。嗚呼痛哉。諫以身殉元。以子孫還中國。

後主
論人
死宜
造次

可也。此帝王數千年遺黎祖宗幾百世嗣息宗之
何併挈而夷乎

後生握筆論人無宜造次。孟子云。是以論其世也。元
余忠宣之死節尚矣。頃見有楊儀者。乃曰。余闕之
守安慶也。特感虜帥結襪之恩。與志士投筆之嘆。
竭誠赴難。禍及妻孥。其忠義固昭昭矣。然殊春秋
外夷之義。忘危邦不入之訓。許身大疎。不能無可
議者。其視子路之死於孔伋。殆亦庶幾其無愧與。
又有詩云。千載結纓悲子路。九原被髮愧夷吾。蓋

深詆其初仕元之非也。因考元史本傳。闕字廷心
一字天心。唐兀氏世家。河西武威父沙刺麻土官
廬州。遂爲廬州人。則公家世蓋由余之倫。蒙古色
目。自爲同類。公慕華。姓名中國耳。當時元一統東
夏。雖中原河洛之英。奕代文明之胄。皆辮髮而立
其朝。乃以此責公可乎。小兒強作解事語。真可笑
也。